

沈乃文 主編

明別集叢刊 第五輯

第二十冊

黃山書社



国家出版基金项目
NATIONAL PUBLISHING FOUNDATION


『十二五』国家重点图书出版规划项目
2011—2020年国家古籍整理出版规划重点项目

沈乃文 主編

明别集丛刊 第五輯

第二十冊

黄山書社



(明) 鹿善繼 著

鹿忠節公認真草十五種

清刻本

鹿忠節公認真草十五種總序

今載筆之官曰史卽畫家榮礪亦曰史史家敘述
盡其人之真畫家阿堵三毛亦期盡其真約以筆無不致
之情而後其真無贗致士君子任天下以真獨若斯史乎
予讀六大經槩不言真而真迺在經後世於百千人中標
其一二二人曰真人曰真儒曰真忠卽英雄將相間題之以
真蓋古人情不外匿行不久遷善善惡惡鬼短鶴長夫亦
人耳儒耳忠臣英雄耳無弗真而何以標真之名後之君
子慙鳧企鶴竄端匿跡當其棲遲薛越希蔭高華故膏唇

五種認真草

拭舌禳飾其寢悅及借翰晨風適登槐岳啐膏而類棄之
如寄客如脫卒如寄租之兒於此遂標真而別於贗嗟乎
苛廉纖謹規行焚溺而輕俊自將又或和聲于促柱正不
圖見伯順之真也伯順儵然清遠衷貯峨眉姑射至其鵠
馭長材堅挺大節招不來麾不去真有古大臣之風當其
矯發金花也署掾環請曰非專責何苦認真獨煩一推署
符耳予快此掾語摹天下諉譎不任者故題伯順所著十
五種書曰認真草夫真起於別贗而認真又起于贗之笑
真卽如今天下談兵媒進者贗耳迺若屣銓司馳塞上對

疆口者三年習十萬兵携六七大將行十城百萬中同一
三友人恢四百里封疆使□□□□徒幕同進者旅
據大位而身不拾一級卽聖明之世恬如也將無真乎淪
水遼澤疆陽卻步胡褰裳就之頓慙歲時其護死忠諸君
子他人危之伯順不危而亦卒不危卽金花逢上怒大司
農手戰落出悲語伯順自若韓稚圭不與人膽乎予每題
伯順真材真品伯順亦稱肝膽患不真故其眾推獨任眾
趨獨辭惟是真肝膽而所至析利敝極精酌古法極細其
夜思而旦營之坐畫而立斷之行所見極決其與正人合

五種認真草

二

如金如石極堅且久口不勝黃馬劇談卽千里赫蹏率真
手奏其所許與錄列若所扶孤減賦洎司農司樞司奉常
光祿中所執奏行一意有少利歸官歸民真視其身爲公
家有而不敢私蓋其事具在諸書書又稱爲國求真才做
真事其摹真而自寫以癡曰真者空而無私癡者頑而不
解私予讀他氏論真亦曰息以踵心以珠在淵蓋氣沈而
神潛也伯順集不問苑枯途不辭險易力不程重輕任不
顧利害蓋以真心用豪傑之才氣沈而神潛安得有私每
謂天下事論不可負之己豈論不可知之人論不可錯過

之今日豈論或有變態之異日是宜語儒語忠語英雄曰
眞而獨曰癡不解私夫私成於解耳唐安市卒乘高當集
矢四應不亂文皇喜甚侍臣曰渠未思耳文皇悲甚嗟乎
解人利害分明得無傷于思也方今日月中天黎邱不幻
而或不識吾眞予得持認真草比折蓼之愛乎陸放翁以
文知人卽倉卒書牘符檄書判槩見心能然則讀認真草
甯惟認伯順抑自認吾眞矣崇禎甲戌春三月友人高陽
孫承宗稚繩甫題

五種認真草

三

十五種認真草目敘概

第一種

金花始末

紀發金花始末也有明祖制濟邊需呈有李大司農
桂亭借疏認罪疏繳聖諭辨疏有方內閣中書趙太
宰見田周太宰敬松李少司農夢白疏有省臺張公
延登吳公亮嗣元公詩教房公壯麗薛公敷教公疏
單疏各救疏十餘上而太宰洎亮嗣詩教各另有疏
有南省臺晏文輝趙級等疏有伯順兩請告疏及自

五種認真草

叙始末紀有茅止生元儀賜環紀

第二種

馬房本末

紀監督馬房事也其隱匿則劉國禎牛尙忠其發覺
則趙夢臣張文奎說堂有伯順呈崑壁呈批查有堂
上兩劄參駁有查司商議有崑壁數次書知會有科
院移文題參有科院疏本堂疏追擬有旨

第三種

籽粒本末 代族貼軍記附

紀減徵籽粒始末也有公揭有佃狀有屯臺呈有批駁詳有允詳有申催文有三院會題疏有貽張蓬玄書有貽左屯臺書有貽齊羣玉書有貽畢冲陽啓有貽李績溪賈孔濶書有問紀萬石書有報畢冲陽書有再貽左屯臺書有屯臺報書有貽邑令書答糧厯書有上大司農畢白陽書有貽王兵使當扣不當加書

第四種

扶孤始末

五種證書彙編

二

紀爲張中丞樹藐孤也其呈則張一陽一張一璉二公舉張一璉一其揭則與解嵩盤一其書則兩與容城與畢冲陽與賈肖臯與署縣與張生一選其批則有畢冲陽其善後則有孤產題辭有家產數目有揭債數目有扶孤始末說

第五種

篋餘

紀上公車時撰述也序孝友則鍾元序制義則景文述榮遇則仕沐司城恒山景龍表揚則芳宇時菴茂

林醫生嵩庵上人節序則重陽譙集弔祭則范一泉公祭私祭

第六種

農曹草

紀成進士筮仕農曹也論鹽政討袁滄濡諸書與范景龍答周蓼洲有書論期許楊振吾范夢章梁自明周景文王崑璧有書贈友答友寄社中友有書賈孔澗劉心虞論號有書論撰述疏催倉巡序送大同守銘馬警愚畧孫泰宇紀孫對楓祭賈生母

五種證書彙編

三

第七種

粵東鹽法議

紀典餉考粵鹽也其款有十四行部引嚴考成重京解設運司更任職復淮課通海北增埠引絕西運均菜餉索積貯禁私鹽烙魚船正鹽斤皆斟酌李僉事吳提舉之議其經久可行者

第八種

福建鹽法議

紀典餉考閩鹽也有當革者小票有當禁者私鹽多

裝請乞有當急者速刷引恤土商

第九種

歸里草

紀以農曹丁艱歸也論忠孝節義有楊明字賈正卿
孫鍾元洎孝友堂譙語論學有王坦山論風化爲乃
翁乃叔鄉飲有答洪振溟爲生祠有張徐祠有張徐
碑有芳字祭論時政有滄濡論鹽懷魯清屯萬泉救
荒夢章簿書恒山治平慶弔有賀峻芳太冲陳范彭
遊泮有壽李母有祭梁母贈答有寄珍吾有答恒山

五種書錄

四

第十種

待放草

紀橋發金花待放卽賜環也求歸回張誠字啓撰述
有楊光夔助餉疏張于度高等序養玄上人序祭楊
太公潘懷魯賈太夫人大慈庵碑記魁星贊雅尙徐
恒山李達亭宋懷玉王崑璧劉半舫魏廓園楊允諧
徐明衡詩扇蘇石水詩扇賈孔澗夢說交誼爲范萬
泉與宋謚褒爲徐易州與范夢章與賈孔澗三啓送
孔澗書半舫樸公公書答孔澗半舫又樸公兩啓爲

孫生有與齊羣玉三啓張溶吾張鳳圖宦情徐玄扈

范懷泉爲籽粒與范鑑湖爲貼軍與畢冲陽爲姻婚

與范懷洙請諸友遊啓答賈衡怙謝弔環召回張誠

字爲筦庫答萬惺新

第十一種

典餉草

紀再起入版曹典餉也論帑有請帑兩疏有貽徐恒
山張誠字徐玉堂傳丹水賀見吾王崑璧袁位宇論
餉有貽倪餉院范鑑湖賈孔澗蘇石水

五種書錄

五

第十二種

樞曹草

紀再起徙樞曹司題覆也兵政有請申國法疏覆游
侍御用人疏有覆張景珍楊九經情罪疏有覆袁應
兆情罪疏有覆文應魁滕國相去留疏有覆京營疏
有覆山西撫臣募兵疏有覆捕營疏有覆胡撫疏有
覆蘇其民加級疏有覆追錄戚繼光疏有覆延撫疏
有辨鄒侍御疏有覆募兵分發疏有覆優恤死事道
將疏有覆招募邊兵疏有覆旌仗義死節疏有類覆

廷議疏有覆盧教諭授監軍疏有覆畿南增兵疏有
覆魯總兵疏有覆岡寺疏有閱關回疏有分設大將
疏有辨馬侍御疏有答張蓬玄答馬滄淵與鄒靜長
答劉勿所有爲王父侍御公卹典疏有回戶部咨有
請告呈二其時政有上葉相國有答蘇石水李瞻于
郭光山賀遊戎高景逸范夢章潘太公張石林唐右
文任赤坡陸侍御趙芝亭文學有答陳顯吾論仁卿
元卷其撰述有送樸公序有竅議序其慰問有畢冲
陽陳顯吾

五種書錄

第十三種

榆關草

紀以樞曹贊督師也其疏有爲兵事馬尤謝叙謝分
壇辭都督諱台省閱查其文有車營說前鋒後勁說
廩糧說論邊事徐永平岳撫梁院項金吾張蓬玄梁
院賈銜怙王坦山李萍槎友人問兩答劉方壺三答
方仁植論撫口與葉問義論軍需有答徐恒山造船
有啓葉師相韓師相三貽朱戎政兩報師相貽陳大
司空答馬帥論邊人邊事張僉憲郭金谿畢冲陽康

六

五種書錄

七

博士蔡覺我高佐擊陳雪灘論簡白惠風楊扶宸郭
蒼林唐灼洲論行間事孫楚惟劉方壺陳司李趙明
吾爲餽遺有示諸將回萬錦衣回王完虛回諸總戎
又馬帥回王簡司答柯太僕附候王邑侯中詔撰述
有序孫魯章詩眉山草并荃玄試牘答孫魯念論學
兩貽趙青城再辭銓部有復張見立論才品有答岳
撫葉問義茅止生萬僉憲論辨答閻撫問王翌聖與
兵垣書纒纒數千言答孫楚惟岳撫張孟均爲慶有
朱獻孺有左浮邱有徐望諸有徐竹孫爲弔有袁太
公有賈孔澗王中詔雅論有復朱獻孺答齊中
徐永平與王中詔謝張玉田去年家子踐更答
閻貽蔡無能謝王中詔

第十四種

再歸草

紀榆關請告歸也同杜公投師相呈兩呈本部附
啓因陞武選又呈又啓有貽余集生其撰述有送王
中詔之南儀部又杜生送序有毒史千畝壽劉君質
張盡庵武雋田玉林遊庠有張時庵墓表有中詔太

夫人志銘有薛繼菴志銘有祭宋懷豫其慰問師相
中認覺我懷洙中認相過其問遣有趙明吾賈孔淵
其議論范夢章王中認朱先之畢冲陽張公子范夢
章梁如星蔡覺我滿懔丹姚孟長朱完天魏子一王
中認耿揖客王翼聖沈越頂因新命報蔡覺我報師
相貽張石林答王安肅又與師相兩答滿懔丹兩答
沈彥威寄耿樸公張蓬玄寄中認報呂豫石

第十五種

奉常草

十五種書卷

八

紀貳太常以督糧也爲糧餉疏太倉關麻進土米議
遼餉書論隴糧論米豆爲兵事首家師相疏邊才書
答友問與倪鴻寶方仁植袁自如范民部次兵尙與
梁大胸論馬帥次督撫道將與袁督師論茅馬又兩
論馬帥序李玄素督操江與張撫論撫口論罷欵論
遇滿帥與范撫論做實事貽沈兵使議馬帥城守滿
帥遇張撫爲氣節與徐驗封兩書論同難十八家有
錄有序於諸子有私請有公請有餞有疏乞潘懷魯
卹有揭謚其王父侍御有高景逸像贊爲遇合有報

董鳴廉論職方三友有報宋先之有兩貽倪鴻寶爲
時政有疏杜聲寃密奏復耿樸公答崔小定與考功
有兩疏請告爲文學有與宋文玉有序陳兩子朱瑞
徵各遊泮有請同鄉

認真草十五種種各有題額而各種中之事目不竟
其書不悉且種各分名曰認真而總序獨弁首種覺
書與序未貫也不肖分撮十五種之概次第其事目
總序彙爲一冊庶貫十五種於一認真而讀是書者
一覽悉立言大指云教弟孫銓手次

十五種書卷

九

金花始末序

天下最急邊饑而饑遼更急當神廟末年庚辛之遼更急於饑大司農苦不給時藉邊需應內供而又或藉邊饑應他塞獨於遼重欲減兵伯順他日塞下曾言之是時伯順分司農子曹以河南司攝廣東司無可以應遼急適廣東解金花遂權以應蓋金花內供舊以饑邊神廟初方從司農內貯也神廟怒謫伯順官傾朝爲伯順請光廟御極始復其官伯順紀其事曰金花始末云嘗謂爲人臣子有最不可以盟心者莫大乎揣主上之意注以爲逢而因以飾

金花始末序

一

其所不欲任之心曰是主上所意注也然臣子清心事主誠念天下大計不難以身爲任即主上所堅於不可遷吾血誠以調護而挽回之亦可登主上於堯舜之隆况乎大柄獨持之聖人未嘗有不可轉之圖雖權宜之計也以之弼成聖德誠深計矣蓋神皇帝節財若嚮當三韓絳禍獨不愆封椿數百萬爲軍需是豈意注於嚮無奈臣下無肯堅執光主德耳因念人臣巧卸於任之不可辭既以甘諛謹避雷霆即其冒雷霆辭諉諉則又輕於擲而不必其事之成伯順挺臂以當譴而曲計以圖成其於同心之蘭桂

恐不濟而大司農之聞譴心折也又深懼其敗若事而重

惜其有避譴之瑕自我貽之當其時非必有獨爲君子之耻而殊恨不明庭載半以堅執光主德故其言曰主上即堅未始不嘗臣下司官以死生爭堂官以去就爭未必不可轉也嗟乎伯順代庖耳既無可同死生且無可同去就即主上震怒而掾史環泣奄豎交謫卒不拔如山也無亦曰爲之自我者當如是哉世人以官爲身有伯順以身爲官有官爲身有者不問官身爲官有者不問身即薄謫引疾去而曰神廟之寬大原有所以養臣下之耻心者古大

金花始末序

二

臣善君過己類若斯矣嗟乎金花不可予邊而他賦迺可補金花蓋讀是編嗟大司農需人而伯順之計忠且遠也高陽孫含書於已寬堂

鹿忠節公認真草第一種

卷上

明范陽鹿善繼伯順輯

金花始末

戶部廣東清吏司爲酌與論復金花以明祖制以濟邊需事照得每歲廣東解到金花銀兩司官恭進大內此近例也今據該省差官趙崇志解到銀五萬兩聽候交納聞浙江司亦有解到者業具揭呈堂會同本司恭進循例上貢似無可復說矣頃接邸報見督部右堂李有扣留金花之議職始不能無疑焉此時欲仍進大內則部議終成畫餅

金花始末

卷上

一

欲徑解太倉則俞旨艱若拔山反覆思維豈其敢無說而處此蓋□□□不待言也欲□□□必藉于兵不得言也而事至于今用兵之局未知以何時結措節之舉則業以此時窮卽加派搜括那借等項不過採摭羣言原非自本部起見而今徑以本部受名致令台臺懇懇苦心而持議者猶以數米爲譚柄職之所爲憤焉不平也然就此措餉實蹈天下必窮之數只在眉睫間不免束手且我督迫太甚又惴惴有內變之憂勢不得不爲變計則莫若扣留金花其爲策便而其所濟者大查得大明會典載稱

金花銀卽國初所折糧者俱解南京供武臣俸祿而各邊或有緩急間亦取足其中正統元年始自南京改解內庫歲以百萬爲額嗣後除折放武俸之外皆爲御用又查嘉靖二十二年題准三宮籽粒及各處京運錢糧不拘金花折糧等項應解內府者一併催解貯庫悉備各邊應用不許別項那借夫曰緩急取足是內府與外府分用也曰悉備各邊不許那借是外府專用而內府不得旁分也煌煌祖誥明明典籍載在掌記皎若日星今邊烽之告急有甚于此時者乎軍精之應用有切于此時者乎卽舉金花全

金花始末

卷上

二

數一旦復還太倉特循祖制而率錄之非強奪大內所有而益之外府也唯是皇上一切批發度之高閭而中涓災惑其間急難得旨亦有一面題知一面劄納銀庫轉發遠左則取數甚鉅勝于零星奏處而權自外操不至如帑金之緘縻不可復問也故當今急著與其請內帑不若留金花與其既入而復請不若未進而權留蓋凡物業入手之後吐棄甚難未經眼之先捐割或易此固人情之恒也况聖上卽愛金玉未嘗不愛山河雖堅執大柄以自聖神未始不兼酌緩急以嘗臣下使下之所持不移如山則上之

聽亦或可轉如圖近如順天巡按御史王象恒以止稅題知竟未有嚴旨之切責則聖主顧慮根本之意與顛倒臣下之術相御而行未必專視阿堵爲必不撒手之物矣天下事爲之有機機難逢而易失及今乘時著力無令當面錯過儻事機從此一轉因之折十庫因之留稅銀次第施行誰謂此非嚆矢哉且近日章疏議留金花者不一而足無不望台臺亟見施行豈加派等項之曲計尙不難舍己以從而損上益下之僉謀顧難合詞以請亮台臺之所必不出也獨是職偶爾承乏適值金花解到留與不留係于金花始末

卷上

三

進與不進此際間不容髮事屬創獲請自愧始故敢酌時事據職掌以請萬一宸怒不測職願以身甘罪不然局外者方議留而局內者且議進千古清議誰其任之卑職未敢擅便伏候台裁

戶部尙書李汝華謹題爲驚聞遼餉將絕空帑匱極難措權借金花銀兩以救然眉之患事竊照遼東自開原復陷東西交訌慶雲十方寺等堡相繼攻剋遼瀋一帶已岌岌乎朝不保夕矣欲拯遼勢不得不厚集兵欲養兵勢不得不多備餉欲足餉勢不得不酌緩急以爲之應頃督餉侍

郎李長庚有扣留金花之疏臣業已據疏題覆政在候旨間忽接邸報見遼東巡撫周永春援兵不至遼餉將絕一疏夫恢復開原新兵加餉較常不啻三倍而鞍馬器械復皆取給於餉司餉司無以應遂大聲而疾呼臣讀之不勝驚愕隨查太倉新餉見貯之數除借與兵部安家銀二十萬經略帶銀十萬解赴督餉衙門召買草料二十五萬外僅存十萬有奇是不獨餉之在遼者將絕而在太倉者亦將絕矣夫在遼者絕恃太倉以爲灌輸在太倉者絕須中外以爲接濟故當難初發臣嘔心借箸惟有那借各衙門見在之銀可以應急在臣部如取如攜無等待之煩在各部隨借隨發無措處之苦雖借復不足益以搜括又益以加派然必先賴見在者以應咄嗟而後可徐議陸續者以成補奏而今已矣各衙門借無可借各郡縣搜無可搜所恃者獨有加派而加派豈應急之物哉道途之遠近尤非一時可到及今而求續將絕之遼餉計畫無復之矣方圖率屬叩關多請內帑以救目前偶值南京浙江廣東等處解到金花銀兩不後不先當厄而至臣舉手加額爲社稷稱慶曰此天所以延遼左一綫之命而不欲遽絕也蓋

金花始末

卷上

四

銀屬見在與儲自各衙門者相同而事可應急較發自去年者更捷總此□□總此遼餉而今年之急十倍去年豈各衙門可借而金花獨不可借乎竊意皇上雖愛金玉未始不愛山河臣固知借此無難也况此金花銀兩兼言祖制則當議留而臣特酌時局則止言借夫留則久爲據無復他說借則終當還尙煩曲計而臣顧舍彼就此亦足見臣之不敢專擅而皇上可俯亮其苦衷矣唯是羽書旁午甲士呼庚政目不及瞬之會萬一俞旨稍稍悉餉未及發而天下大事去矣臣是以不避罪譴容將金花銀兩轉發

金花始末

卷上

五

遼東餉司接濟急需候遼患稍平卽將解到額餉照數補還臣不勝激切祝願之至奉聖旨這金花銀兩係年例正額上供并賞資及各衙門成造冊封等項各典禮錢糧急需見今內庫缺乏所費不貲遼餉自有正項給發且已有旨借大工稅銀如何又擅行借用還著作速解進內庫以濟急用不得執擅如稽悞典禮責有所歸

戶部尙書李汝華等謹奏爲進繳聖諭并認暫借金花之罪事萬曆四十七年七月二十三日該司禮監盧受傳奉聖諭朕以□□□□陷我城堡殺我官民朕心深切痛恨

東征將士荷戈掛甲勞苦每念糧餉不繼時軫朕衷其每歲金花銀兩係內供正額見今內庫缺乏之冊封各項典禮成造錢糧并各官賞資武官俸糧等項尙不敷應用爾部累年所進金花銀兩拖欠至一百餘萬仍將各處進到稅銀接濟奏用昨已發過內帑五十萬兩遼餉是爾部職掌自當悉心料理籌畫給發去歲發過餉銀三百餘萬自師喪之後該鎮兵存幾何餉歸何項爾部不一清查動輒以請帑爲詞希圖塞責今又將進到金花銀兩未經奏請明白擅行借用是何體制內供何賴先年曾有此紀綱否近

金花始末

卷上

本

來各官不遵國憲肆意挾好生欺玩堂上官姑且不究該司官且罰俸一年各處解到金花銀兩著作速解進內庫以濟急用以後如再仍前違玩不遵的重治不恕故諭欽此欽遵臣聞命自天不勝驚惶除遵行外所有原傳奉聖諭一道理合具本進繳竊自□□□□以來一應軍興煩費係臣部職掌無不嘔心料理但九邊舊餉尙在拖欠至于新餉毫無所出不得已而那借搜括又不得已而抽扣加派東奏西那解發過三百餘萬不虞出窵失利又復從新措處近據新經略議增兵十二萬用米豆二百萬草

東千萬及督餉造船造車水陸脚價約該銀三百萬兩臣部除與經略帶去十萬又借與兵部二十萬止贖二十五萬俱發督餉尙不足百分之一督餉傍徨而請金花稅銀荷蒙皇上准留外稅一年亦可供米豆本色三分之一然本色之外折色等項所費更多查去年援兵八萬費銀三百萬今議兵十二萬則議餉四百五十萬矣臣部止有加派不過二百萬其餘尙屬烏有近又三次借奏三十萬發遼昨因開原失陷□□□交侵遼危旦夕臣等躊躇無策卽如今日皇上所允稅銀不知何日可到如先日皇上

金花始末 卷上

七

所允措餉諸欸亦遠莫能濟適見遼撫遼餉將絕一疏臣等寢不曉目益惶悚無計今舉朝大小臣工咸謂金花可以救急適有廣東等司解到金花十一萬臣于前二日具疏暫借未蒙發下而遼左又復告急時刻不能少待臣等竊思餉銀一少則遼陽危而京師不守其患大金花暫借則遼陽可保而天下可安且金花每歲可進封疆一悞難持是臣等一時權宜委屬擅借其發過三百萬餘先已行查未報除臣今再清查俟報部之日具奏奉聖旨知道了這金花籽粒銀兩俱已屢旨明白萬不可缺如何擅行那

借是何國體既認罪姑且免究見今內庫缺乏每日支用無從措處如有各直省解到各項銀兩卽如數解進補還以便應用如仍前抗執重治不饒其爾部前奏允措餉并准借進帑解部大工稅銀可行文嚴限督催解濟應用

內承運庫署庫事內官監太監臣王等奏萬歲爺萬曆四十七年七月二十六日李長壽傳聖旨李汝華來了差官去催銀兩進來如不進來記司官名字來處他寫本來奏欽此臣等謹遵明旨卽差長司官李茂春赴部面講隨據李汝華回稱浙江并直隸松江府共解到銀六萬五千一

金花始末 卷上

八

百兩謹遵前旨限三日進故的于本月二十九日恭進其廣東司官解到銀五萬兩俟後再行補進等情臣等查得浙江司官徐可行四川司官汪宗文二司銀兩原在候旨見今遵旨恭進二司實盡臣子急公之義者惟廣東司官鹿善繼銀已濟急無從措處待後補進據此理合奏知奉聖旨這金花籽粒銀兩原係內供正額屢已有旨明白該部不候明旨擅自借留是何紀綱今又久稽在部不行速進况今在內缺乏支用無從措處屢旨催促慢不經心堂上官職掌何在該司官背違明旨互相推諉好生可惡堂

上官罰俸二個月該司官降一級調外任不許朦朧推陞銀兩著作速解進以濟應用如仍前怠玩不遵該司官都重治不饒該部知道

戶部尚書李汝華等謹奏爲進繳聖諭事萬曆四十七年七月二十八日該司禮監盧受等傳奉聖諭云欽此欽

遵臣等恭捧明綸不勝惶悚竊照金花銀兩非敢久稽因臣汝華署工部印務有欽天監擇定日期于本月二十四日赴壽宮公幹于二十六日事畢方回二十七日見朝即擬二十九日之吉恭進前項銀兩業已會本而聖諭復頒

金花始末

卷上

九

除見在銀兩恭進續有到者續進外所有原奉聖諭聯合進繳并赴鴻臚寺報名謝恩

大學士方從哲謹題臣昨于文華門候旨見戶部尚書李汝華接出聖諭云欽此夫以內廷供用之銀該部未奉

明旨徑自借留似不能無罪但其留也果以充無益之費乎抑以濟緊急之需乎遼左口勢方張禦敵防邊全借三軍之力儻糧餉不繼使數萬之衆枵腹荷戈以格強口豈可得乎頃接遼撫周永春遵餉將絕一疏在廷諸臣相顧失色恐該鎮之禍不在外侮而在內憂且向來建議之臣

無不以留金花留額稅爲計臣望者當此窘迫危急之際適有三省解到之銀不先不後正當其會該部若猶守拘攣之見或照例解進或請旨借留輾轉稽遲久而不發豈不失邊臣之望傷軍士之心而坐悞國家之大事哉故此一借也在平時不可而在今日似無不可在平時宜罪而在今日似不宜深罪也况金花銀兩在祖宗朝或解南京或貯太倉銀庫除武臣俸祿外悉備各邊緩急之用見于科臣宮應震之疏歷歷可據是聖諭所謂內供正額者且不盡然而乃以數萬之微細一時之權宜執以爲部臣罪

金花始末

卷上

十

無乃非帝王散財得民之意乎邇來遼餉浩繁該部無從措處中外諸臣方擬再懇皇上多發內帑以濟然眉况此數萬之銀未經解進未經查收于大內之積何損毫髮而聖心猶介介若是他尚可望哉今聞該部已將見在六萬餘兩遵旨完解其已發去遼東銀五萬兩尚在從容奏補是堂屬諸臣在前日固爲急公之義在今日猶爲奉命之恭且聞山東司官雖管遼餉于金花一事絕不相干皇上似宜免其降調量加罰治仍令照舊供職以責後效可也夫黜陟予奪惟上所命臣何敢妄有煩瀆但先奉聖諭謹